

**PETI DIO - KAZNENE ODREDBE**

## Član 52.

- Novčanom kaznom od 5.000 do 10.000 KM kaznit će se za prekršaj pravno lice ili imalac radnje:
  - ako privremeno koristi javnu površinu suprotno odredbi člana 5. Zakona o privremenom korištenju javnih površina na području Kantona Sarajevo ("Službene novine Kantona Sarajevo", br. 20/04, 26/12, 32/12 i 24/15);
  - ako, kao izvođač radova, privremeno zauzetu javnu površinu ne ogradi i ne označi propisanim znacima, ometa odvijanje saobraćaja, ošteti zgrade, ulice i trotoare, kao i ako građevinski materijal ne složiti, uredno ne drži i ne obezbijedi normalno oticanje oborinskih voda (član 23. st. 4. i 5. Zakona o privremenom korištenju javnih površina na području Kantona Sarajevo);
  - ako korisnici javnih površina iste ne održavaju u urednom stanju, a po isteku roka iz odobrenja, javnu površinu ne dovedu u prvobitno stanje i ako u slučaju potrebe ili kada nalaže javni interes ne uklone sadržaje postavljene na javnoj površini i prije isteka utvrđenog roka (član 24. st. 1. i 2. Zakona o privremenom korištenju javnih površina na području Kantona Sarajevo);
- Za prekršaje iz prethodnog stava kaznit će se i odgovorno lice u pravnom licu novčanom kaznom od 1.000 do 2.000 KM.

## Član 53.

- Novčanom kaznom od 500 do 1.000 KM kaznit će se za prekršaj fizičko lice:
  - ako privremeno koristi javnu površinu suprotno odredbi člana 5. Zakona o privremenom korištenju javnih površina na području Kantona Sarajevo ("Službene novine Kantona Sarajevo", br. 20/04, 26/12, 32/12 i 24/15);
  - ako, kao izvođač radova, privremeno zauzetu javnu površinu ne ogradi i ne označi propisanim znacima, ometa odvijanje saobraćaja, ošteti zgrade, ulice i trotoare, kao i ako građevinski materijal ne složiti, uredno ne drži i ne obezbijedi normalno oticanje oborinskih voda (član 23. st. 4. i 5. Zakona o privremenom korištenju javnih površina na području Kantona Sarajevo);
  - ako, kao korisnik javne površine, istu ne održava u urednom stanju, a po isteku roka iz odobrenja, javnu površinu ne dovede u prvobitno stanje i ako u slučaju potrebe ili kada nalaže javni interes ne ukloni sadržaje postavljene na javnoj površini i prije isteka utvrđenog roka (član 24. st. 1. i 2. Zakona o privremenom korištenju javnih površina na području Kantona Sarajevo)

## Član 54.

Novčanom kaznom od 500 KM kaznit će se pravno lice ili imalac radnje a odgovorno lice i pojedinac od 100 KM, ako postupi suprotno odredbama člana 21. Zakona o privremenom korištenju javnih površina na području Kantona Sarajevo ("Službene novine Kantona Sarajeva", br. 20/04, 26/12, 32/12 i 24/15).

**ŠESTI DIO - PRIJELAZNE I ZAVRŠNE ODREDBE**

## Član 55.

(Postupak po žalbi)

Protiv upravnih akata općinskog načelnika donesenih na osnovu ove Odluke u drugom stepenu rješava nadležni Drugostepeni organ za žalbe.

## Član 56.

(Prestanak važenja propisa)

Početak primjene ove Odluke prestaje da važi Odluka o privremenom korištenju javnih površina na području Općine Centar Sarajevo ("Službene novine Kantona Sarajeva", br. 24/22 i 3/23).

## Član 57.

(Započeti postupci)

Postupci započeti na osnovu propisa koji su bili na snazi do dana početka primjene ove Odluke okončati će se po odredbama tih propisa.

## Član 58.

(Izdana rješenja)

Rješenja kojima je odobreno privremeno korištenje javne površine i rješenja kojima je utvrđena naknada za privremeno korištenje javne površine izdata do početka primjene ove Odluke, ostaju na snazi do isteka roka određenog u rješenju.

## Član 59.

(Stupanje na snagu)

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, naknadno će se objaviti u "Službenim novinama Kantona Sarajevo".

Broj 01-19-2474/23  
27. aprila 2023. godine  
Sarajevo

Predsjedavajući  
Općinskog vijeća  
**Sejad Dozo**, s. r.

Ova odluka je objavljena na oglasnoj ploči Općine Centar Sarajevo dana 03.05.2023. godine.

Na osnovu člana 25. stav 7, člana 32. stav 3 i člana 39. stav 2., Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), te člana 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Općine Centar, na 28. redovnoj sjednici održanoj dana 27.04.2023. godine, donijelo je

**ODLUKU****O IZMJENI I DOPUNI ODLUKE O PRISTUPANJU  
IZRADI IZMJENA I DOPUNA REGULACIONOG  
PLANA " KOŠEVSKO BRDO " - LOKALITET MARIA  
MIKULIĆA -**

## Član 1.

U Odluci o pristupanju izradi Izmjena i dopuna Regulacionog plana "Koševo Brdo" za lokalitet Marija Mikulića ("Službene novine Kantona Sarajevo", broj 9/20), član 2. (Granice područja za koji se Plan radi), mijenja se i glasi:

Granica obuhvata polazi od tačke br. 1 koja se nalazi na parceli k.č. 309/1 (put), a ima koordinate y=6532850, x=4857599, zatim produžava na sjever idući putem k.č. 309/1 u dužini od 70 m do tačke br. 2 sa koordinatama y=6532832, x=4857667, potom se lomi na istok idući međom parcele k.č. 342/2 (obuhvata je) i dolazi u tačku br. 3 koja se nalazi na parceli k.č. 1202/9, a ima koordinate y=6532898, x=4857664,

potom nastavlja na jugozapad idući idući putem k.č. 1202/11 i dolazi do mjesta odakle je opis granice i počeo.

Sve gore navedene parcele se nalaze u K.O. Sarajevo VII, Općina Centar.

Površina obuhvata iznosi  $P=0,31$  ha.

#### Član 2.

Član 4. (Smjernice za izradu Plana), mijenja se i glasi:

Izmjena i dopuna Plana vrši se u granici gore navedenog obuhvata, a u cilju stvaranja planskog preduvjeta za izgradnju zelenih površina uz dječja i rekreativna igrališta prema sljedećim urbanističko-tehničkim uvjetima:

- planirati izgradnju zelenih površina uz dječja i rekreativna igrališta na predmetnom neizgrađenom lokalitetu sa pješačkim pristupima iz ulice Antuna Hangija i Marija Mikulića;
- minimalna površina koju zauzimaju zelene površine uz igrališta iznosi 0,18 ha;
- sadržaje igrališta je potrebno uklopiti u postojeći ambijent, koristeći topografiju i konfiguraciju terena, te razvijati parter sa zonama za igru djece raznih uzrasta, te odmor i relaksaciju ostalih korisnika;
- zelene površine na ovom prostoru treba koncipirati i urediti tako da predstavljaju jedinstvenu kompozicionu i funkcionalnu cjelinu međusobno, ali i sa planiranim sadržajima. Zelenilo treba da čini minimalno 50% od ukupne površine obuhvata, s tim da u njegovom sastavu dominiraju elementi prve vegetacione etaže (stablašice) u odnosu na elemente druge i treće vegetacione etaže (grmlje i trava) u omjeru 70:30%, zbog stvaranja ugodnog mikroklimata (hlad).
- Ukoliko postoje na terenu, potrebno je sve vrijedne, zdrave i kvalitetne jedinke kao i grupacije elemenata biološke komponente, zadržati i uklopiti u buduće rješenje;
- prostor mora da bude funkcionalan, zaklonjen od vanjskih neprijatnih uticaja (buke, prašine, izduvnih gasova), od vjetra, bezbjedan za korisnike i zaklonjen od prekomjernog osunčanja. U pogledu smanjenja visokih temperatura i toplotnih otoka, veliku ulogu ima procentualno učešće zelenila, odnosno površina od koje su napravljena igrališta. Uloga zelenila je da u što većoj mjeri eliminiše ove negativne uticaje;
- s obzirom na položaj predmetne parcele koju tangiraju saobraćajnice te blizina stambenih objekata, prilikom planiranja obodom parcele treba formirati "tampon" sačinjen od stablašica u kombinaciji sa grmljem i /ili živom ogradom, prema prostornim mogućnostima;
- na predmetnom lokalitetu, pored elemenata biološke komponente (zastupljene kroz elemente sve tri vegetacione etaže), elementi građevinske komponente treba da su zastupljeni kroz: rekvizite za rekreaciju, pasivni sport i odmor (klupe, korpe, rasvjeta dječja igrališta, česme, skulpture i sl.);
- planirani sadržaji treba da su modernog dizajna, inovativni, unificirani za cijelu površinu, te da svojim funkcijama omogućе razvoj motoričkih i kognitivnih funkcija kod korisnika, prvenstveno djece;

- materijalizacija mobilijara za djecu kao i površinska obrada ploha igrališta treba da obezbijedi sigurnu igru djece. Materijalizacija sadržaja i površinska obrada staza i ostalih površina treba da je uglavnom od prirodnih materijala (drvo, kamen, užе, trava, popločanje i sl.), sa što manje vještačkih elementa (plastika, asfalt, beton i sl.).
- svi pristupi planiranim sadržajima moraju biti prilagođeni osobama sa poteškoćama u kretanju;
- ograđivanje, ukoliko je potrebno, vršiti isključivo od prirodnih materijala-živa ograda;
- zelene površine sa rekreativnim sadržajima planirati u skladu sa Uredbom o uređivanju i održavanju zelenih i rekreativnih površina u Kantonu Sarajevo ("Službene novine Kantona Sarajevo", broj 22/16);
- u ulici Antuna Hangija predvidjeti proširenje za autobusno stajalište, a uz obod ulice Marija Mikulića u skladu s prostornim mogućnostima planirati parking mjesta za stanare ulice. Parking mjesta formirati sa raster-perforiranim popločanjem kako bi se što bolje uklopili u zelenilo i omogućili apsorpciju oborina;
- na predmetnom lokalitetu planirana je naseljska trafo-stanica koja se zadržava, te je njenu lokaciju potrebno definisati u skladu sa urbanističkim konceptom i uskladiti sa rješenjima pojedinih faza komunalne infrastrukture;
- implementirati planska usmjerenja iz "Elaborata o lokacijama reciklažnih dvorišta, niša i zelenih otoka sa lociranjem u prostorno-planskoj dokumentaciji i investicijskim planom Općina Centar, Hadžići, Iliđza, Ilijaš, Novi Grad, Novo Sarajevo, Stari Grad, Trnovo i Vogošća".
- potrebno je ažurirati geodetsku podlogu u vektorskom digitalnom obliku u mjerilu 1:1000, sa ažurnim podacima o posjedovnom stanju i ažurnom katastru komunalne infrastrukture;
- za izradu Izmjene i dopune Plana koristiti će se Elaborat o inženjersko-geološkim i geomehaničkim osobinama terena, urađen za potrebe izrade Regulacionog plana "Koševo Brdo".
- potrebno je usaglasiti idejna rješenja saobraćajne i komunalne infrastrukture sa osnovnim planskim dokumentom i važećim tehničkim normativima.

#### Član 3.

Član 5. (Rokovi za pripremu i izradu Plana), mijenja se i glasi:

- Odluka o pristupanju izradi Plana: mart 2023.
- Prijedlog Plana: 40 dana od od obezbjeđenja podloga.
- Javna tribina (upoznavanje javnosti): U trajanju 15 dana od isporuke Prijedloga Plana.
- Usvajanje Plana: 40 dana nakon završetka Javnog uvida, razmatranja i sumiranja primjedbi sa Javne rasprave.

#### Član 4.

Član 9. (Ostale odredbe), mijenja se i glasi:

Subjekti planiranja su: Ministarstvo komunalno privrede, infrastrukture, prostornog uređenja, građenja i zaštite okoliša Kantona Sarajevo, Grad Sarajevo, Općina Centar Sarajevo, Zavod za izgradnju Kantona Sarajevo, Zavod za planiranje

razvoja Kantona Sarajevo, komunalna i javna komunalna preduzeća, vlasnici i korisnici zemljišta.

**Član 5.**

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-19-2475/23  
27. aprila 2023. godine  
Sarajevo

Predsjedavajući  
Općinskog vijeća  
**Sejad Đozo**, s. r.

Ova odluka je objavljena na oglasnoj ploči Općine Centar dana 03.05.2023. godine

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), člana 87. Poslovnika Općinskog vijeća Centar Sarajevo - Prečišćeni tekst ("Službene novine Kantona Sarajevo", br. 23/04, 11/13 i 13/17) i člana 24. stav (1) Zakona o ravnopravnosti spolova u BiH - Prečišćeni tekst ("Službeni glasnik BiH", broj 32/10) Općinsko vijeće Centar Sarajevo je, na 28. redovnoj sjednici, održanoj dana 27.04.2023. godine, donijelo

**ODLUKU****O USVAJANJU GENDER AKCIONOG PLANA OPĆINE CENTAR SARAJEVO ZA PERIOD OD 2023. DO 2027. GODINE****I.**

Usvaja se Gender akcioni plan Općine Centar Sarajevo za period od 2023. do 2027. godine.

**II.**

Sastavni dio ove Odluke je Gender akcioni plan.

**III.**

Ova Odluka stupa na snagu sa danom donošenja i objavljuje se u "Službenim novinama Kantona Sarajevo".

Broj 01-45-362/23  
27. aprila 2023. godine  
Sarajevo

Predsjedavajući  
Općinskog vijeća  
**Sejad Đozo**, s. r.

Ova Odluka je objavljena na Oglasnoj ploči Općine Centar Sarajevo dana 03. maja 2023. godine

Na osnovu člana 10. Statuta Općine Centar Sarajevo - prečišćen tekst ("Službene novine Kantona Sarajevo", broj 23/04), člana 87. Poslovnika Općinskog vijeća Centar Sarajevo - Prečišćeni tekst ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20) i člana 2. i 4. Odluke o Općinskim priznanjima ("Službene novine Kantona Sarajevo", broj 19/10), Općinsko vijeće Centar Sarajevo je na 28. redovnoj sjednici Općinskog vijeća održanoj dana 27.04.2023. godine, donijelo

**ODLUKU****O DODJELI OPĆINSKOG PRIZNANJA "POVELJA SA ZLATNIM LJILJANIMA" ČOSOVIĆ EDINU****Član 1.**

Općinsko priznanje "Povelja sa zlatnim ljiljanima" dodjeljuje se Čosović Edinu.

**Član 2.**

Dodjela općinskog priznanja iz člana 1. ove Odluke izvršit će se na svečanoj sjednici Općinskog vijeća Centar Sarajevo, povodom obilježavanja Dana Općine Centar.

**Član 3.**

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-04-112/23  
27. aprila 2023. godine  
Sarajevo

Predsjedavajući  
Općinskog vijeća  
**Mr. Sejad Đozo**, s. r.

Ova Odluka je objavljena na Oglasnoj ploči dana 03.05.2023. godine.

Na osnovu člana 10. Statuta Općine Centar Sarajevo - prečišćen tekst ("Službene novine Kantona Sarajevo", broj 23/04), člana 87. Poslovnika Općinskog vijeća Centar Sarajevo - Prečišćeni tekst ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20) i člana 2. i 4. Odluke o Općinskim priznanjima ("Službene novine Kantona Sarajevo broj 19/10), Općinsko vijeće Centar Sarajevo je na 28. redovnoj sjednici Općinskog vijeća održanoj dana 27.04.2023. godine, donijelo

**ODLUKU****O DODJELI OPĆINSKOG PRIZNANJA "POVELJA SA ZLATNIM LJILJANIMA" HADŽOVIĆ NERMINU****Član 1.**

Općinsko priznanje "Povelja sa zlatnim ljiljanima" dodjeljuje se Hadžović Nerminu.

**Član 2.**

Dodjela općinskog priznanja iz člana 1. ove Odluke izvršit će se na svečanoj sjednici Općinskog vijeća Centar Sarajevo, povodom obilježavanja Dana Općine Centar.

**Član 3.**

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-04-113/23  
27. aprila 2023. godine  
Sarajevo

Predsjedavajući  
Općinskog vijeća  
**Mr. Sejad Đozo**, s. r.

Ova Odluka je objavljena na Oglasnoj ploči dana 03. maja 2023. godine

Na osnovu člana 10. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), člana 87. Poslovnika Općinskog vijeća Centar Sarajevo - Prečišćeni tekst ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20) i člana 2. i 4. Odluke o Općinskim priznanjima ("Službene novine Kantona Sarajevo broj 19/10), Općinsko vijeće Centar Sarajevo je na 28. redovnoj sjednici Općinskog vijeća održanoj dana 27.04.2023. godine, donijelo